

飲食焚香祝曰

丹元守靈 內外守真 左右三七 助吾天成
急急如元陽王者律令

呪訖收坐以金錢覆馬各一分焚之畢常
存在自己之左右帶劍持斧或執流金火
鈴行則在前止則在後坐則在左立則在
右百日即驗怒則遠人

習真入定

道無為無不為心可證非智知何謂知何謂
應智達智證虛應應無從虛乃道通於一萬
事畢一為根事為門事歸一一常存存莫有
假言守守虛無自長久悟無常道可長溪居
內德彌張內韜然外成德忘形相泯心以色
無塵心自真身處靜益心定香臭同心合空
甘苦一心轉實體如遺心不墮意不亂心不
散常凝然正炁全用無限為忘筌

先焚香收神端坐以子守母神為炁子炁
為神母一呼一吸以神馭之上下循環出入
綿綿晝則閉耳閉目夜則閉目塞耳凡
心動一念內外以心過之曰我為其事不

為此念但行數息第一心動多靜少忍緣
萬境第二心靜少動多收心入靜第三心
動靜相半第四心靜多動少直至一向神
與炁合息與胎并心靜一向純靜方起一
念仍先習默朝守三一之道純熟默朝及
拜章時服心章亦默朝上章入定時默朝
即能見景乃承得帝意正是自己天尊何
勞上望

靈寶无量度人上經大法卷之四十三

正一天師清微弟子 製作
道教學術資源網

靈寶无量度人上經大法卷之四十四 水四
運神合景品

精思侍衛

先思肝中出青炁化為青龍在左肺出白炁
化為白虎在右心出赤炁變為朱雀在前腎
出黑炁化為玄武在後脾出黃炁變為黃龍
在月建上次思左腎出上元道化真君唐將
軍冠飛天冠水絳章單衣執五色節自左腎
由左耳出立於左長三十二丈次思右腎出
中元護正真君葛將軍冠飛天冠水絳章單
衣執五色幢自右腎由右耳出立於右長如
前次思下元定志真君周將軍自心中由於
口出立於前冠章服如前左手執玉戟右手
把金符長如前皆使分明次思上元赤子泥
丸天帝君中元絳宮真人丹皇君下元黃庭
元王皆出三田各在三將軍之後然後存自
己元神法服衣冠自心中遊金闕至上元由
明堂而出形貌衣服皆如自己立於三一之
後分明次思六丁大神六丁玉女六甲大神
六甲玉女飛天衛真吏傳言奏事吏飛天直

事吏三十二天繡衣玉童五方五靈童子三天十天承事玉女上奏靈官章中從事法錄中文武仙曹侍衛排列如法然後行九靈飛步事

進章訣

若屬家國生靈大事須詣三天門下內朝畢存五方太靈洞陽五色在五方結為五重光暈三天太一紫雲玄騰一身其光下入泥丸左九轉心中右九轉混合帝宅上下三次即存心中出赤炁上升於天如長虹自己如常法存儀入赤炁運轉上行數百里見橫截日月黃道乃星界次橫截過西北行又千里遙見紫雲隱隱乃三天門下方投謁簡付三元三將軍持謁簡入天門良久見三將軍出傳言宣諭章教許見然後同三將軍三一真神與自己丹元神并章丈八金闕門此則渺冥恍惚隨機見化入天門向東乃太一玄生左府見太一玄生帝君具說朝見拜章事即九拜即呈上章奏狀達帝君回身向西入太皓金門即見三師及天師具奏所陳事回直趨

太清太極官門見三將軍三一真神與自己元神立良久見引進真官出官門引入至太清重樓寶殿玉案有金光童子青腰承翼玉女太一真君如上帝未還治即將章文度與太一真君安於玉案上良久乃進聽候敕命

如值太一還治之時即見重樓玉殿寶臺金簾太清上帝降坐自己在殿下呈其所奏太一真君呈章畢於重樓太清御街下太一真君書天篆雲章敕命之事畢章付天省或天曹即下殿自己於殿下九拜回再詣大皓金樓見於諸道德衆尊懸梅所奏事同三將軍三一真人復出金闕門至伏章所若是太上未還治於此內朝法具如前回却至天藏華蓋之下還神等候報應

章奏科格

夫章者通九天之門達太上之階度脫災危遷拔冥爽莫過章奏最為第一若精誠道士女冠能不被世務持誦不闕者奏上章達立救危厄可度幽冥故即得太上降勅諸司轉下幽冥關告所部注上生名脫其死籍得壽

年長如其考算幽冤拘絆冥漠可以原赦焚毀罪書受生道境凡章奏尋常齋醮祈恩禳災謝過等事止係到星界天門周將軍與直日官吏寫事目類進其法師祭酒苟无德行或有差錯穢炁衝干退於所屬城隍司收掌

若非祭酒法師及无德行之者多被下官故炁半天午酉邪神雲路攔截更不上達如尋常祭酒法師為救治人民代天行化即中界周將軍同直日官吏收接詣天樞院與萬國章詞奏表類進若有錯越亦送城隍司若别无科戒不依科格自有天條降責如為帝王國主祝延萬壽消穢兵革所求嗣續滅除大害普濟普度析求等事即周將軍與萬將軍傳至三天門下唐將軍與直日官吏徑達天省即時騰奏頃刻候報若能出陽神親齋章

奏徑詣三天門下面朝金闕恭陳詞懇懇承教教即不在此限也如行靈寶大法自有三天十天承受玉女上奏靈官運神會道功曹衛真上吏傳言奏事仙吏金龍驛龍騎吏龍虎功曹五色繡衣玉童靈飛六甲玉女傳達

章奏若有差誤不合格式即就三天門下天相之中天相一面改正謄奏如依格式其章奏即時上達蓋緣得三天合同太上符契自然更無邀阻凡遇行持章奏詞表於每年五月五日及歲除日默念三天隱諱靈霄雷三字一晝夜中誦滿十萬遍即得三天降炁符合同欲進章奏先念此諱數百遍磨墨呪筆紙並用三天炁吹之若寫御號亦念數十遍如卷章表香上度過遣官了入函亦念數十遍吹之並使即時上達更無凝滯書寫章奏揀選淨紙不得安於卧席牀褥之上長一尺五寸每張不得過十二行按十二月十二時閏月添作十三行每行十八字上通九天下應九地臣與名不得露頭跪足不得折破臣姓名不得垂生露死神與鬼不得提頭頓首再拜不得破行以聞并太歲臣姓並低三字以聞去再拜三行第四行書之再拜去臣姓三行第四行書之道炁去臣姓三行第四行書之乃高於衆行上空八分下通走蟻一炁或三炁書之不得過三寸已上不進道炁

去太歲三行第四行書之太歲後紙盡不進太歲後止有一行不進有一行可續一張蓋太歲後三師書讚號方進其章曰為君子為父妻為夫弟為兄孫為祖客為主即順元有不違若父為子君為臣夫為婦祖為孫云為客雖有義禮析求誠切章雖上達事多從甚宜詳之其製章之法先寫祭酒法師自訟謙卑罪惡不當其職之詞然後具本人投詞事理次演罪考謝過之言吹乞恩原赦救拔之詞然後請官不可繁詞及說弊隱心欺昧不實之事若如此格必至上達速得感格若不依格似石沉海既無靈感轉招罪考豈有福應百姓愚迷不知此理祭酒食饗實名拜章如此兩皆有過不可不慎蓋三天門下盡是玉清大魔王與天相同領其事謂如太玄魔王即副相也靈魔即書功也非魔書過也比魔比量功過也制魔即代上帝制詔也如世之翰林之職所謂功過毫分無失非有道德安可洞明兼世間少得良材祭酒多是習依舊本不論合格與不合格按本寫之且如

章舊格有恩惟太上既是章出太清官吏章上三天太清洞神金闕太上老君几前止是太清天中即不是太上太上金闕乃太清寒陽金闕可言恩惟太上也右如臣姓名今之祭酒不寫臣某名却寫姓名甚不合格也其中違科失例者數條非通真之子安可議之如留世祭酒李真人為楊許二真人家拜章方為祭酒之良材後為洞天主者今則已還真職何況愆尤之徒豈能如是後學專其遺本力為善本或千二百官儀及天師靖中請官訣按之行事稍合天格其拜章於格合有跪送天官香油柴米鎮信絲衣貧富隨力辦之不可全闕若許願事效即還不可停廢事急亦可口章謝恩如書章請即以書章謝恩不可錯越天霄檢尋案牘不見便有罪考急事上章及款鬼章當跪送青紙十幅其事即行蓋天官貴青色也此則畧而言之秘密細要別具

審覆秘旨

凡欲行持此道先當入定外定六塵色聲香

味觸法內定十惡謂之三業凡覺六塵三業欲起處便為真覺收挾和精炁神五入於丹田三業六塵陰炁變為純陽養成軀體之體與天為徒然後可以入神直候靜定之中有神光如太陽或五色紫炁或紅光瑞炁降

灌於泥丸或心中或身中乃是大道真炁入身謂之通生通生謂之得道雖名得道實無所得於審覆之時可以通真達靈召其真靈見景報應每日早晚持誦五行正炁利元通神祝呪使滿萬徧真靈示見玄景及耳明目

見形之於象物之於器呪曰

魁魁魁魁魁魁急管送言來

魁魁魁魁魁魁急管送言來

紅杏墨黑磨真機騰靈寶急管送來

興生獨隸公都切角韓明急管送來

魁魁魁魁魁魁急管送來

魁魁魁魁魁魁急管送來

寶盧李魏鄧崔急管送來

各使滿萬徧真靈降格示景通真審覆之時

俯伏對敷先定修真端使息定炁寧密祝十

天承受玉女上奏靈官飛天衛真上吏傳口奏事仙吏風雲炁兩四直玉文功曹神君心所焚章詞來通進存見衆靈齋所焚章詞并玉女靈官功曹分明自己同衆靈入眉間二寸洞房宮即見教主太清王中央黃老君任

金樓玉殿雲錦黃房之中坐黃錦綉衣紫玉交帶太清萬變寶光坐於七色蓮華之上元太清龍虎玉几從太清靈官一百二十人赤衣玄冠玉斧森列左右太清玉童一百二十人靈寶五色雲錦衣綵帶飛裙在於教主左右自己九拜於黃老具奏章詞之意靈官五

女將所進章詞奏呈教主聖顏怡允靈官玉女進太清紫鳳神筆以金泥書允奏字靈官直奏仙官收章詞去再九拜謝恩願降報應臣在案前聽候聖景示見畢一向定心默念

三天隱諱防中表德丘著意看其所見玄景

審其報應如未純熟早晚默行習於朝奏如遇齋醮默朝畢將章詞焚燒畢取灰置於淨

水器中念呪曰

天清地寧 陰陽五行 大道造化 萬法俱明

臣今章奏 上達神庭 三尊有敎 報化分明 灰爐之中 聖語見形

攪勻俟水澄定取其灰爐中焚不盡字札及灰爐中不化破三兩字以為報應

通真達詞秘法

設大小醮筵奉聖真高功據事書密請心詞期以遙達須語意激切先詞意次術考祭次謝罪次乞祈攘保錫允願務在簡而直切勿習俗煩若得上達事无不應并領醮主詞同於靖中呈奏師寶畢存同師詣三尊前爐中

焚拜畢候依科請聖至中獻有異香或香茶酒中真炁顯降子細審詳如降即便進朝奏詞意乞取感應如不降即飛神進朝上詞章乞感格不可空杳无驗又不可審報吉凶差亂罪福踉蹌以涉謬誤及昏寂神回祝白叩齒三通密祝曰

齒三通密祝曰

剖心奏詞 貢達三天 所祈如願 所請如言

罪除業薄 名上青篇 疾病除差 鬼魔消殄

天官下降 永保長年 仙童玉女 傳奏上玄

畢叩齒三十六通咽液五過烈火望天門